

# Cofnodion



## Cyfarfod Cysylltu gyda Chynghorau Cymuned

---

Dyddiad: Dydd Iau, 7 Rhagfyr 2023

Amser: 6.00 pm

Bresennol: Cynghorwyr Bishton, Graig, Marshfield, Michaelstone-y-Fedw, Rogerstone and Wentlooge

---

### 1 Ymddiheuriadau

John Wagstaff (Pen-hw)

Julie Foster (Gwynllŵg)

### 2 Datgan diddordeb

Dim

### 3 Cofnodion y Cyfarfod Diwethaf a gynhaliwyd ar 05.10.23

Cytunwyd bod cofnodion y cyfarfod blaenorol a gynhaliwyd ar 05 Hydref 2023 yn gofnod gwir a chywir o'r cyfarfod.

### 4 Diweddariad gan yr Heddlu

Rhoddodd y Prif Uwch-arolygydd ddiweddariad ar y materion allweddol yng Nghasnewydd.

#### Pwyntiau Allweddol

- Bu cynnydd mewn trosedd meddiangar, ond nid yw hyn yn unigryw i Gasnewydd ac mae heddluoedd eraill yn gweld cynnydd. Mae dwyn o siopau yn gyfrifol am y rhan fwyaf o'r troseddau hyn ac mae hyn yn gysylltiedig â defnyddio cyffuriau gan fod eitemau gwerth uchel fel arfer yn cael eu targedu. Cydweithio â manwerthwyr i liniaru digwyddiadau dwyn o siopau fel gosod teledu cylch cyfyng o ansawdd uwch.
- Rhoddwyd diweddariad ar yr euogfarnau a'r erlyniadau wrth reoli'r materion hyn yn ddiweddar.
- Rhoddodd y Prif Uwch-arolygydd sicrwydd ynghylch lladrad a throseddau â chyllyll a dywedodd fod y camau cryfaf posibl, yn defnyddio swyddogion arbenigol, yn cael eu rho ar waith i ddod â throseddwyr o flaen eu gwell ac atal troseddau pellach.

- Dywedodd y Prif Uwch-arolygydd fod e-feiciau a beiciau oddi ar y ffordd yn broblem barhaol ond nad ydynt yn benodol i Gasnewydd ac ardal Gwent. Mae gwybodath gymunedol yn allweddol wrth reoli'r her hon.
- Dywedodd y Prif Uwch-arolygydd wrth y Pwyllgor y gall eu preswylwyr roi gwybod yn ddienw am unrhyw ddefnydd o e-feiciau trwy Crimestoppers a rhoddodd sicrwydd i'r Pwyllgor na ellir gweld y wybodaeth a ddarperir a'r sawl sy'n darparu'r wybodaeth gyda'i gilydd, hyd yn oed gan yr Heddlu. Mae unrhyw adroddiadau a wneir trwy Crimestoppers yn cael eu trosglwyddo i'r Heddlu er mwyn iddynt weithredu ar unwaith.
- Sicrhaodd y Prif Uwch-arolygydd y Pwyllgor mai dyma eu prif ffocws ar hyn o bryd gan ei fod er budd y cyhoedd, ac maent wedi ymrwymo i weithredu yn erbyn y rhai sy'n defnyddio'r beiciau hyn at ddibenion troseddol.
- Dywedodd y Prif Uwch-arolygydd wrth y Pwyllgor bod deddfwriaeth ar hyn o bryd sy'n rhoi pwerau i'r Heddlu stopio ac atafaelu'r beiciau hyn, ond bod angen mwy o ddeddfwriaeth ynghylch gwerthu'r beiciau hyn.

## **Cwestiynau**

Fe wnaeth Cynghorydd Cymunedol fynegi pryder nad oes Cymorthfeydd yr Heddlu wedi bod yn digwydd yn eu ward. Dywedodd y Prif Uwch-arolygydd wrth y Pwyllgor ei fod yn poeni nad oedd unrhyw gymorthfeydd wedi bod yn digwydd ac y byddai'n holi pam. Bydd Fframwaith Perfformiad Plismona Cymdogaeth yn cael ei lunio a fydd yn ei gwneud yn glir pryd y bydd yr heddlu yn mynychu cymorthfeydd yn y dyfodol a sicrhaodd y Prif Uwch-arolygydd y Pwyllgor y bydd presenoldeb yn y cyfarfodydd sydd i ddod.

Dywedodd Cynghorydd Cymunedol eu bod yn arfer derbyn Adroddiadau'r Heddlu, ond mae'n ymddangos bod y rhain wedi dod i ben, a holodd a oes modd adfer y rhain a'u darparu naill ai i'r Cynghorydd Cymunedol neu Gynghorydd Ward i gael eu cylchredeg. Dywedodd y Cynghorydd Cymunedol eu bod wedi gweld postiad gan Heddlu Gwent ar y cyfryngau cymdeithasol am e-sgwteri ac wedi holi beth sydd wedi cael ei wneud ynglŷn â'r defnydd o'r rhain ar ffyrdd cyhoeddus. Sicrhaodd y Prif -y Pwyllgor y byddant yn ei gwneud yn glir pa adroddiad y byddant yn ei dderbyn, pryd a gan bwy. Mae'r diweddariad ar e-feiciau hefyd yn berthnasol i e-sgwteri gan eu bod yn anghyfreithlon i'w defnyddio ar ffyrdd cyhoeddus.

Dywedodd Cynghorydd Cymunedol nad yw'r adroddiadau y maent yn eu derbyn yn hawdd eu defnyddio a holodd a ellid cyflwyno'r rhain yn wahanol i ddangos tueddiadau. Dywedodd y Prif Uwch-arolygydd wrth y Pwyllgor y byddant yn rhannu adroddiad drafft gyda Chynghorau Cymuned i gael adborth ar y fformat a'r cynnwys.

Holodd Cynghorydd Cymunedol a yw'n bosibl cael adroddiadau gyda gwybodaeth gyfredol yn hytrach nag mewn fformat ôl-weithredol ac a ellir rhannu'r wybodaeth hon lawr i lefel pentref, yn hytrach na ward. Dywedodd y Prif Uwch-arolygydd wrth y Pwyllgor y gallant dadogi data i lefel i aelwydydd unigol, ond nid yw hyn yn bosibl adrodd arno oherwydd natur sensitif y data yn yr adroddiadau a'r risg bosibl o adnabod.

## **5 Iechyd a Diogelwch**

Diweddariad ar lafar gan y Partner Busnes Iechyd, Diogelwch a Lles

## **Pwyntiau Allweddol**

- Rhoddodd y Partner Busnes Iechyd, Diogelwch a Lles drosolwg o'r dyletswyddau sydd ar weithwyr o ran Iechyd a Diogelwch a darparodd wybodaeth a dolenni at wybodaeth a chanllawiau pellach ar wefan yr Awdurdod Gweithredol Iechyd a Diogelwch <https://www.hse.gov.uk/>. Hysbyswyd y Pwyllgor fod Rheoli Diogelwch gan y Sefydliad Diogelwch ac Iechyd Galwedigaethol (SDIG) yn hyfforddiant da.
- Holodd Cynghorydd Cymuned pwy fyddai'n gyfrifol pe bai damwain yn digwydd tra bo'r neuadd wedi'i llogi i rywun. Dywedodd Pennaeth y Gyfraith a Safonau wrth y Pwyllgor y gellir ychwanegu Telerau ac Amodau at gontract llogi'r safle gan gynnwys y dylid cwblhau asesiad risg ar gyfer y math o weithgaredd neu ddigwyddiad y mae'r safle wedi'i logi ar ei gyfer. Dywedodd y Partner Busnes Iechyd, Diogelwch a Lles wrth y Pwyllgor, os oes llai na 5 o fynychwyr, nad oes gofyniad cyfreithiol am asesiad risg. Hysbyswyd y Pwyllgor bod modd gweld y pethau sylfaenol ar wefan Yr Awdurdod Gweithredol Iechyd a Diogelwch, ac mai Un Llais Cymru yw'r prif sefydliad ar gyfer Cynghorau Cymuned a Thref yng Nghymru.
- Dywedodd y Partner Busnes Iechyd, Diogelwch a Lles wrth y Pwyllgor y gellir tendro asesiadau risg arbenigol i gwmnïau allanol, a byddant yn gallu darparu enghreifftiau o asesiadau risg, a thempledi. Dywedwyd wrth y Pwyllgor, os oes angen mwy o gymorth arnynt, y byddai angen iddynt brynu i mewn i Un Llais Cymru neu gwmni tebyg. Tynnodd y Rheolwr Gwasanaethau Democrataidd ac Etholiadol sylw'r Pwyllgor at bwysigrwydd rhannu profiadau ac arferion gorau rhyngddynt nhw eu hunain yn hytrach na cheisio cyngor arbenigol. Dywedodd y Partner Busnes Iechyd, Diogelwch a Lles wrth y Pwyllgor bod cydweithio yn digwydd o fewn Cyngor Dinas Casnewydd gydag awdurdodau lleol cyfagos a rhannu arfer gorau.

## **6 Unllais Cymru**

Diweddariad ar lafar gan y Rheolwr Gwasanaethau Democrataidd ac Etholiadol

### **Pwyntiau Allweddol:**

- Doedd y sawl a wahoddwyd o Un Llais Cymru ddim yn gallu bod yn bresennol oherwydd salwch. Yn y cyfamser, os oes angen rhagor o wybodaeth ar unrhyw un o'r Cynghorau Cymuned neu os ydynt yn ystyried dod yn aelod o Un Llais Cymru, gallant gysylltu â nhw'n uniongyrchol.

## **7 Adolygiad o'r Siarter**

Diweddariad ar lafar gan y Rheolwr Gwasanaethau Democrataidd ac Etholiadol

### **Pwyntiau Allweddol:**

- Dywedodd y Rheolwr Gwasanaethau Democrataidd ac Etholiadol wrth y Pwyllgor eu bod yn bwriadu anfon y Siarter at gynrychiolwyr a bydd yn gofyn am anfon unrhyw sylwadau cyn y cyfarfod nesaf. Os nad oes angen unrhyw newidiadau, bydd yn cael ei gymeradwyo gyda dyddiad diwygiedig.

## **8 Adolygiad Cynghorau Cymuned**

**Pwyntiau Allweddol:**

-

- Rhoddodd y Rheolwr Gwasanaethau Democrataidd ac Etholiadol wybod i'r Pwyllgor y bydd Adolygiad Cynghorau Cymuned yn cael ei gynnal ym mis Ionawr 2024 a fydd yn cynnwys adolygiad o Gydymffurfiaeth a'r Cod Ymddygiad a'r Gofrestr o Fuddiannau a gwiriad bod cofrestrau statudol yn cael eu cynnal yn briodol a bod gweithdrefnau ar gyfer datganiadau wedi'u cwblhau gan Gynghorau Cymuned, yn dilyn yr etholiadau (yn amodol ar ddeddfwriaeth a chanllawiau cyfredol). Hysbyswyd y Pwyllgor y bydd ymgysylltu â Chynghorau Cymuned i sicrhau cydymffurfiaeth ac i nodi unrhyw anghenion hyfforddi a datblygu a bod newidiadau i ddatganiadau buddiannau bellach ar waith.
- Dywedodd Cynghorydd Cymunedol y gallai eu gwybodaeth gyswllt fod yn hen a gofynnodd a ellid ei hadolygu yn dilyn y cyfarfod. Sicrhaodd y Rheolwr Gwasanaethau Democrataidd ac Etholiadol y Pwyllgor y gellir gwirio'r wybodaeth gyswllt yn dilyn y cyfarfod a bydd yn sicrhau bod hyn wedyn yn cael ei hidlo i adrannau mewnol o fewn y Cyngor.
- Rhoddodd y Rheolwr Gwasanaethau Democrataidd ac Etholiadol wybod i'r Pwyllgor am yr ymgynghoriad sy'n cael ei gynnal ar gyfer adroddiad y Panel Annibynnol ar Gydabyddiaeth Ariannol ac mai'r dyddiad cau ar gyfer adborth yw 8 Rhagfyr 2023. Mae gan yr adroddiad drafft argymhellion a fyddai'n berthnasol i Gynghorwyr Cymuned mewn perthynas â lwfansau gorfodol.

**9 Rhaglen Gwaith i'r Dyfodol**

- Un Llais Cymru
- Sesiwn Diogelwch Personol
- Canlyniadau'r Adolygiad Cynghorau Cymuned